



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O PODIZANJU SPOMEN-PLOČE IVICI OSIMU
(Prijedlog)

Predlagač: Komisija za spomenike
Obradivač: Služba za urbano planiranje, investicije,
stambene i komunalne poslove

Sarajevo, januar 2023. godine

Adresa: Hamdije Kreševljakovića 3
71000 Sarajevo, BIH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“ broj 34/08 – prečišćeni tekst) te člana 20. i član 21. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – ispravka), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**ODLUKU
O PODIZANJU SPOMEN-PLOČE IVICI OSIMU**

Član 1.

(Predmet)

Podiže se spomen-ploča Ivici Osimu (u daljnjem tekstu: spomen-ploča) kao spomenik od značaja za Grad Sarajevo.

Član 2.

(Lokacija i idejno rješenje)

Spomen-ploča se postavlja na ulaznoj kapiji stadiona Grbavica (k.č. 2174/4 dio, K.O. Novo Sarajevo 2), a prema idejnom rješenju i sadržaju teksta na ploči koji je sastavni dio ove odluke.

Član 3.

(Obaveze)

Grad Sarajevo će preduzeti sve aktivnosti na pribavljanju potrebnih saglasnosti i odobrenja za podizanje spomen-ploče, njenu izradu i održavanje.

Član 4.

(Finasiranje)

Finasiranje podizanja spomen-ploče snosit će Grad Sarajevo.

Član 5.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

PRAVNI OSNOV

Pravni osnov za donošenje ove odluke sadržan je u odredbama član 26. stav (1) tačka 2) Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje.

Pravni osnov sadržan je i u članu 20. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – ispravka) kojim je propisano da odluku o podizanju spomenika od značaja za Grad Sarajevo donosi Gradsko vijeće Grada Sarajeva. Članom 21. iste Odluke propisani su obavezni elementi odluke.

RAZLOZI DONOŠENJA

Komisija za spomenike Gradskog vijeća je, u skladu sa Odlukom o spomenicima od značaja za Grad Sarajevo („Službene novine Kantona Sarajevo“, br. 49/19, 28/20 – ispravka), zaključkom u izvještaju broj 04-GV-02-1378/22 od 14.09.2022. godine, prepoznala inicijativu za podizanje spomen-ploče Ivici Osimu, podnesenu od gradskog vijećnika Vedada Deljkovića, kao spomenik od značaja za Grad Sarajevo.

Razmatrajući prijedlog lokacije za postavljanje spomen-ploče, određena je najadekvatnija pozicija spomen-ploče na ulaznoj kapiji stadiona Grbavica (k.č. 2174/4 dio, K.O. Novo Sarajevo 2).

Idejno rješenje spomen-ploče sadrži prigodan tekst u spomen na hrabar čin Ivica Osima početkom agresije i opsade grada Sarajeva.

Idejno rješenje definiše dimenzije i tekst, a isto je sastavni dio ove odluke i bit će objavljeno u „Službenim novinama Kantona Sarajevo“.

FINANSIJSKA SREDSTVA

Za realizaciju ove odluke predviđena su sredstva u Budžetu Grada Sarajeva za 2023. godinu.

IZVJEŠTAJ
O PROVEDENOJ JAVNOJ RASPRAVI
NA NACRT ODLUKE O PODIZANJU SPOMEN-PLOČE IVICI OSIMU

U skladu sa Zaključkom Gradskog vijeća Grada Sarajeva, broj: 01-GV-02-2036/22 od 28.12.2022. godine, provedena je javna rasprava na Nacrt Odluke o podizanju spomen-ploče Ivice Osimu.

Pozivi za učešće u javnoj raspravi su, u skladu sa navedenim Zaključkom, upućeni sljedećim subjektima:

- klubovima vijećnika u Gradskom vijeću Grada Sarajeva
- linkom na web stranici Grada Sarajeva svim zainteresovanim
- Primjedbe, prijedlozi i sugestije iznesene na sjednici Gradskog vijeća, kao i zaključci Komisije za spomenike smatraju se prilogom javne rasprave

Javna rasprava trajala je 7 dana, odnosno do 11.01.2023. godine.

U javnoj raspravi učešće je uzeo Gradski vijećnik Adi Škaljić na 22. sjednici Gradskog vijeća Grada Sarajeva održanoj dana 28.12.2022. godine:

Gradski vijećnik Adi Škaljić:

Hvala vam predsjedavajući. Pozdravljam sve prisutne. Također samo pohvale što se tiče same ideje. Danas se praktično otvara javna rasprava povodom ovoga pa bi želio da sljedeće bude prilog javnoj raspravi. Kod idejnog rješenja. Da se ove četiri tačke pretvore u tri tačke. Iza toga da bude prazan prostor, jer ovo nije gramatički ispravno. Također ne bi bilo loše da puno ime i pravo ime Ivica Osima, Ivan Osim stoji i da se razmisli o tome da se idejnom rješenju doda neki barkod koji bi upućivao na okolnosti u kojem je ova izjava dana, jer čini mi se da fali malo konteksta, možda ne za nas, ali neke buduće generacije koje ovo budu čitale bit će link neophodan kontekst ostavke na mjesto trenera Fudbalskog kluba Partizan gdje ova izjava dobiva u stvari na punoj, punom značaju. Hvala.

Stav Predlagača:

Cijeneći predloženo, uvažavamo sugestiju na idejno rješenje, odnosno ispravili smo tekst tako da budu tri tačke umjesto četiri. Također, smatramo da Ivana Osima većina građana upravo zna po nadimku Ivica, odnosno Ivica Osim, te smatramo primjerenim da na spomen-ploči piše „Ivica Osim“.